

Date – 06/09/2024

Time - 7:30 -7:40Hrs

REGIONAL NEWS BULLETIN

HEADLINES (MORNING)

1. Kolasib Dist chhung National Highway 306 & 06 kawng siam that mek ah hnathawh a lang chho tan niin Kolasib DC Pu Robert.C Lalhmangaiha chuan a sawi.
2. State Transport Authority in internet kalflanga lirthei koh theihna Online Cab Booking System a kalpui dawn.
3. Prime Minister Narendra Modia chuan nimin khan Singapore President Tharman Shanmugaratnam a kawm.
4. French Prime Minister thar atan Michel Barnier ruat a ni.



KOLASIB

Kolasib Dist chhung National Highway 306 & 06 kawng siam that mek ah hnathawh a lang chho tan niin Kolasib DC Pu Robert.C Lalhmangaiha chuan a sawi a,

Nimina National Highway verification team thutkhawmah Team Chairman Pu Robert.C Lalhmangaiha chuan tunhnai a ruahsur avanga Kolasib District inkalpawhna kawng chhe lutuk avanga working committee an din in rah tha a chhuah chho zel a ti a. NHIDCL in an theih ang tawka an thurel te an bawhzui a hmasawna hmuh tur a awm tan a ni a ti.

DC chuan tun hnaiah Kawnpui leh Khamrang inkar leimin a awm nual avanga inkalpawhna a tihbuai avanga Motor thahnem tak kawng laka tangkhang an awm nual thu sawiin Durtlang lamah motor lian kal a ngai a, amaherawhchu nimin khan Kolasib SP in Kawnpui atanga Durtlang lama motor lian kal khapna leh Kawnpui leh Kkhamrang inkar a tlan hun bituk a siam tih a sawi a, hei hian chak zawka kawng siamtuten hna an thawh theih nan a pui dawn a ni, a ti.

National Highway 306&06 Kolasib District chhung inkalpawhna a chhe hle a. He kawng NHIDCL leh MPWD in chan insem a an enkawl mek hi Kolasib District mai bakah Mizoram chak lakna ber a nih avangin chak zawk a hmalak a nih theih nan Addl DC Kolasib Chairman na hnuaiah working committee din a ni.



CM

Chief Minister Pu Lalduhoma'n USA-a a kal chhan ber chu zo hnahthlak inpumkhatna kawng zawng turin a ni a ti.

He thu hi Indiana State, USA a cheng Chin Community te hun a hmanpui na ah a sawi a, Pu Lalduhoma chuan unau an ni tiin engtik emaw ah

rorelna pakhat hnuuia din chhuah chu ring tlat turin a chah a, Ram chuan ramri a nei a, hnam erawh chuan ramri a nei lo tih sawiin Sawrkar pathum hnuuia diklo taka thehdarha an awm chu engtik lai mahin an pawm ngai dawnlo tih a sawi.

Pu Lalduhoma chuan Inpumkhatna thinsung pu theuh turin Chin mite chu a ngen tih sawiin thawhho puiah a sawm a, Mizorama ZORO ten inpumkhatna turin thahnem ngai taka hma an la reng chu lawmawm atih thu a sawi bawk.

Chief Minister chuan Inpumkhatna lamah ke an pen chho zel dawn chu lawmawm atih thu sawiin Chin Relief Committee of Mizoram te, Myanmar Relief Committee, Mizoram te pawhin an thawh hlawk hle a ti a, India sawrkar pawhin harsatna an thlen apiang an bawhzui zel tih sawiin nasa takin tanpuina an dawng tawh tih a sawi bawk.

<><><>

NATIONAL TEACHER'S AWARD

Ramchhunga zirtirtu hnathawk tha chawimawina National Teacher's Award chu nimin khan President Droupadi Murmu in Synod Higher Secondary School zirtirtu Pu Joseph Vanlalhruaia Sailo hnenah a hlan.

Rashtrapati Bhavan-a National Teacher's Award hlanna hunah hian President Droupadi Murmu chuan ramchhunga zirtirtu hnathawk tha mi 50 hnenah chawimawina a hlan a, heng zingah hian Mizoram atangin pakhat awmin Pu Joseph Vanlalhruaia Sailo pawh a tel a ni.

Pu Joseph Vanlalhruaia Sailo chuan chawimawina dawng tura thlangtu Mizoram Education Department hotute leh a thawhna school te chungah lawmthu a sawi a ni.

<><><>

STA ON PUBLIC TRANSPORT

State Transport Authority in internet kaltlanga lirthei koh theihna Online Cab Booking System a kalpui dawn a, hei hi man chawia mipui phur lirthei ten sawrkarin chuan man a bithliah an zawm that loh vang anih thu STA chuan a sawi.

STA thuchhuah tarlan danin Mizorama passenger phur chi lirthei chuan man State Transport Authority-in a siam thin chu man chawia mipui phur lirthei neitu ten an zawm tha tawh lo hle thin tih hriat a ni an ti a. Hei vang hian mipuiten lirthei chuan man dik tak man chawia an hman theih nan leh awlsam zawka lirthei hire tur an koh theihna turin internet kaltlanga lirthei koh theihna kalpui turin hma a la mek tih a sawi.

Thuchhuaha an tarlan danin Aizawl khawpuiah an kalpui hmasa ber anga, Online Cab Booking System hi tih hlawhtlin a nih hunah chuan mipui ten lirthei hman man dik tak an chawi thei tawh tura beisei a ni.

STA chuan March thla khan thuchhuah siamin kumin February thla ni 19-a STA thukhawmin a rel angin, man chawi a mipui phur lirthei service, taxi, Autorickshaw leh Maxicab te chuan man a bithliah thar a. 2-Wheeler taxi chu kilometre 1 ah cheng 30 niin, kilometre khat hnuah erawh KM tinah cheng 20 zel a ni ang a, Taxi pangaiah KM 1 ah cheng 55 niin, hemi hnuah KM tinah cheng 45 zel a ni ang a, Autorickshaw chuan man chu Km khatah cheng 35 niin, a hnu KM tinah cheng 25 zel a ni ang a, Maxicab chu metal road a a tlanin, KM 1 ah cheng 3.50 leh metal road lo ah cheng 4 ni turin a lo rel tawh a ni.

<><><>

WATER LEAKAGE REPORTING SYSTEM

PHE Minister Prof Lalnilawma'n thlipui leh ruahpui avanga mipui mamawh puhru tura hnathawhnaah PHE department chuan harsatna hrang hrang hmachhawnin theihtawp an chhuah thin tih a sawi

He thu hi nimina PHED pipe atanga tui put vilna tur 'Water Leakage Reporting Software System' a tlangzarh na ah sawiin Minister chuan Tui pump khawl tana tha lo khawpin tui nut thin chang a tam a ti a, tui put vilna software chu hun engemaw chen Aizawl khawpuia endik a nih hnu ah, hman tangkai dan a zirin district dangah pawh hman chhoh a nih tur thu a sawi bawk.

Prof. Lalnilawma chuan tui lakkhawl leh pek chhuahte a put ral mai lohna tura tui put vilna tur System tihlawhtling turin khawtlang, ram leh hnam hmangaihna leh neitu nihna thinlungpu chung a PHE-a thawktute leh khawtlang mipui tanrual a pawimawh thu a sawi bawk.

Water Leakage Reporting Software System hi PHED leh Buannel Geo Solution & Services buatsaih a ni a. Mobile phone hmangin Android Playstore leh Apple App Store atangin a thlawnin download theih a ni.

<><><>

CENTRAL YMA

Central YMA Kumpulan Committee, Excise & Narcotics Department leh Mizoram Police (Special Branch) te chuan a ruala beihpui an thlakah nimin khan Ganja tha chi Kg 77 an man.

Tun hnaiah thenawm State dang atangin Ganja a lut nasa a ni tih hriain Central YMA Kumpulan Committee, Excise & Narcotics Dept. leh Mizoram Police (Special Branch) te chuan a ruala beihpui thlakin zan hnih tlaivara an chan hnuin zing dar 2:30 khan Durtlang Kawn vengah Meghalaya atanga lo chho Sumo atanga an unload tawh 'Ganja' tha chi- Alu Bag chhûnga Alu kara zeh Kg 77 chu dawr chhungah an man a, ruihlo neitu nia rinhlelh leh Ganzate hi Excise & Narcotics Department kutah an hlan nghal a ni.

<><><>

MIRSAC

MIZORAM REMOTE SENSING APPLICATION CENTRE (MIRSAC) chuan mipuiten awlsam zawka an Office an dawr theih nan nimin khan an Website thar leh Data Order Portal an tlangzarh.

Tlangzarhna hun hi Directorate of Science & Technology office, MINECO, Khatlaah neih niin, Pi Hmingthanpuii, Principal Scientist, MIRSAC-in a kaihruai a.

Website tlangzarhtu Pu K. Lalrammuana, Principal Scientific Officer chuan thusawiin tuna MIRSAC hmalakna hi Website thar siam ngawr ngawr ni lovin, a mamawhtute tana space technology leh chumi atanga data siam chhuahte mahni in lum atanga awlsam tak leh tlangkai taka hman theih tura chhawp chhuah hi a tum bulpui ber zawk a ni tih a tarlang bawk.

He hmalakna hian Sawrkar laipui leh state sawrkar pawhin a ngaih pawimawh em em ‘Ease of doing Business’ policy hi a tawmpui a; he hmalakna hian convention method- mahni ngei office-a va kala data order ngai thinte chu kawng tam takin a chhawk zangkhai dawn a ni a ti.

Data Order portal-ah hian scientific data (a bikin Remote Sensing leh GIS technology hmanga siam) te chu a mamawhtute tana order theih a ni dawn a. He portal hmang vek hian data order tawhsa chu a download theih bawk dawn a ni. Hemi tur hian a mamawhtute chuan User account siam tur a ni a, he an account atang hian an order-te process a nih dan leh download theih hun tur pawh hrilh hriat vek an ni ang.

Hrechiang duh tan MIRSAC website mirsac.mizoram.gov.in leh Data Order Portal - data.mirsac.in ahte luh tur a ni.



SWACHHATA HI SEVA

Faina chungchang inhrilhhriat leh faina kawnga tam thei ang ber thawk chhuak tura hmalakna Swachhata Hi Seva 2024 chu September ni 14 atanga October ni 1 inkarah kalpui a ni dawn.

Nimina Chief Secretary Dr. Renu Sharma kaihhruaia sawrkar mi pawimawh thukhawm chuan he faina beihpui thlakna kalpui dan tur an rel a, kumina campaign hi a hmingah ‘Black Spot’ tih phuah niin hnawmhnawk inchhekkhawm, khawtlangin rei tak a lo ngaihthah tawh, boruak leh mipui hriselna atan pawha pawh thei tur awm angte zawnchhuaha thenfai chu hna pui ber tur pakhat a ni dawn a ni.

District Level a hmalakna tur zingah hian thenfai hnatlang bakah Health camp buatsaih te, quiz leh essay hmang intihsiak te, college te nen thawk hova hmalak leh mipui hrilhhriatna hun hrang hrang buatsaih te a tel a ni. Kumin Swachhata Hi Seva ah hian thupui chu Swabhav Swachhata, Sanskaar Swachhata tih niin, faina leh thianglimna chu nunphung pangngai a neih tura inzirtir chu ngaihpawimawh a ni.



INDIA-SINGAPORE

Prime Minister Narendra Modia chuan nimin khan Singapore President Tharman Shanmugaratnam a kawm. An inkawmnaah hian PM Modia chuan Singapore President chu ram pahnih thawhdunna kawngah a thlawpna zawng zawngah lawmthu a hrilh a ni. Hruaitu pahnihte hian India leh Singapore inkara thil pawimawh tak tak an sawidun bawk a ni.

Nimin vek khan PM Modia hian Singapore-a company CEO leh sumdawng lianten an hmu a. India rama sumdawanna tilian zel turin an intiam a. Prime Minister Modia pawhin insiamthatna kalpui mek te tarlangin sum peipunna leh ngaihtuahna thar hmanna tura sawrkar hmalakna te a tarlang bawk a ni.

India leh Singapore te chuan nimin khan thawhdunna tur inremna thuthlung Memorandum of Understanding pali an ziaak a. MoU an ziahnte hi hriselna leh damdawi lama thawhdunnate, zirna leh thiamthil hmasawanna lamte, digital technology leh India-Singapore Semiconductor Ecosystem Partnership te a ni a. Hei bakah hian ram pahnihte hian an thawhdunna chu tilianin Comprehensive Strategic Partnership ah an hlangkai a. Hei hian India Act East Policy nasa zawkin a nawr kal dawn a ni.

Puan tawh angina nimin vek khan Prime Minister Narendra Modia leh Singapore Prime Minister Lawrence Wong te an inkawm a. Hruaitu pahnihte hian thawhdunna tihhmasawn zel dan tur an sawi dun a ni.

<><><>

FRENCH PM

French Prime Minister thar atan Michel Barnier ruat a ni. French President Emanuel Macron chuan nimin khan Prime Minister thar ruatna hi a puang a. Tunhnaia inthlanpui mumal loh avanga thla hnih chung politics chiri taka a awm hnuah Prime Minister thar hi ruat a ni ta a. Pu Barnier hi Brexit chungchanga European Union-a palai hotu thin niin right-wing Republican Party hruaitu min a ni a. Kum 73-a upa PM Barnier hian a a hna hmasa ber sawrkar inzawmkhawm din turin hmabak lian tak a nei mek a. Political Party lian pathuma inthen darh mek National Assembly chhungah sawrkar nghet tak din a tum dawn a ni.

<><><>